



Federación Galega de Kung-Fu

REGULAMENTO ELECTORAL

Para a elección a membros da Asemblea Xeral e Presidente da FEDERACION GALEGA DE KUNG-FU

Aprobado pola Asemblea Xeral celebrada o 27 de setembro do 2014

Artigo 1. Obxecto da normativa

De conformidade co disposto no artigo 58.5 e 6 da Lei 3/2012, do 2 de abril, do deporte de Galicia (DOG número 71 do venres 13 de abril de 2012), do Decreto 120/2013, do 24 de xullo, polo que se aproba o Regulamento do Comité Galego de Xustiza Deportiva (DOG número 148, do luns 5 de agosto de 2013) e da Orde do 8 de setembro de 2010 (DOG número 174 do xoves, 9 de setembro de 2010), pola que se establecen os criterios para a elaboración de regulamentos e realización dos procesos electorais nas Federacións Deportivas Galegas, confeccionase a presente normativa que regula o proceso de elección dos órganos de goberno, asemblea xeral e presidente ou presidenta con representatividade durante o período 2014 ata o 2018.

Artigo 2. Celebración de eleccións

A Federación Galega de Kung-Fu procederá á elección da súa asemblea xeral e presidente no ano 2014. O calendario electoral será o indicado no anexo I. Os sobres e papeletas serán os establecidos no anexo II. Establécese como horario de apertura ao público da sede federativa o seguinte: 10 a 13 horas e de 16 a 19 horas.

Artigo 3. Regulamento electoral provisional e definitivo

Unha vez aprobado o regulamento electoral por parte da asemblea xeral da Federación Galega de Kung-Fu será remitido á Secretaría Xeral para o Deporte da Xunta de Galicia que resolverá, no prazo máximo de 10 días hábiles dende a entrada do documento no seu rexistro, sobre a aprobación do mesmo ou a súa devolución para a corrección de posibles deficiencias.



XUNTA DE GALICIA
PRESIDENCIA
Secretaría Xeral para o Deporte

C/ E. Luis Ksado, 17 - 36209 VIGO
Tel.yFax 986 20 31 51
info@fgkungfu.org - www.fgkungfu.org



Transcorridos estes sen que recaía resolución algunha entenderase aprobado o regulamento. No caso de ser necesaria a subsanación de deficiencias, indicaranse as mesmas e se concederán dez días hábiles para proceder a dita corrección.

No caso que houbera que subsanar algunha deficiencia no mesmo regulamento electoral, a asemblea xeral delega e autoriza á xunta directiva a facer os cambios necesarios, sen necesidade dun novo sometemento á aprobación da asemblea xeral. Unha vez feitas estas modificacións, o novo regulamento presentarase á Secretaría Xeral para o Deporte para a súa ratificación definitiva.

Unha vez aprobado definitivamente o regulamento electoral pola Secretaría Xeral para o Deporte será publicado na páxina web da Federación Galega de Kung-Fu (<http://www.fgkungfu.org>) así como na da Administración Deportiva Autonómica.

Artigo 4. Censo electoral

1. O censo electoral incluírá aos deportistas, técnicos/adestradores, xuíces/árbitros e entidades deportivas inscritas na Federación e no Rexistro de Entidades Deportivas de Galicia, que reúnan os requisitos para ser electores e elixibles, de acordo co establecido no artigo 8º do presente regulamento. Inclúranse os seguintes datos:

A) Para os/as deportistas, adestradores e xuíces/árbitros: nome, apelidos, número de licenza federativa, número do documento nacional de identidade ou da tarxeta de residencia e domicilio a efectos de notificación. O domicilio reflectido por defecto para o estamento de deportistas será o do club ao que pertezan, ou no seu caso tamén respecto do estamento de xuíces/árbitros, o que a estes efectos indiquen a Federación. No período de reclamacións ao censo provisional poderase solicitar o cambio de domicilio.

B) Para as entidades deportivas: nome, denominación ou razón social e número de inscrición no Rexistro de Entidades Deportivas de Galicia, así como o nome e apelidos do presidente e secretario. Os datos das entidades deportivas deberán ser plenamente coincidentes cos datos contidos no Rexistro de Entidades Deportivas de Galicia, tendo a Federación a obriga de cotexar ditos datos. No caso de discrepancias entre os datos obrantes no rexistro da Federación e os obrantes no Rexistro de Entidades Deportivas de Galicia, establecerase un prazo de 10 días para a súa subsanación.



2. O censo electoral provisional publicarase xunto coa convocatoria. A exposición pública do mesmo deberá facerse por un prazo mínimo de 10 días hábiles, dentro do cal se poderán presentar as reclamacións que se estimen oportunas ante a xunta electoral, resolvéndose por esta no prazo máximo de 5 días hábiles e considerándose o silencio da xunta en sentido estimatorio da petición realizada. Dita exposición farase no taboleiro de anuncios da Federación Galega de Kung-Fu e das delegacións federativas, así como na páxina web <http://www.fgkungfu.org>.



3. O censo será considerado definitivo se non se presenta reclamación algunha, ou cando de presentarse, sexa resolta pola xunta electoral ou, se é o caso, polo Comité Galego de Xustiza Deportiva. Deberán aplicarse as mesmas garantías de difusión e publicidade que as previstas no número 2 deste artigo para o censo provisional.

4. Os datos contidos no censo electoral gozarán da protección do previsto na LO 15/1999, do 13 de decembro, de protección de datos de carácter persoal. En todo caso o tratamento e publicación dos datos contidos no censo terá por única finalidade garantir o exercicio polos electores do seu dereito de sufraxio, estando prohibida a súa cesión ou utilización para unha finalidade distinta a aquela.

5. Co fin de facilitar a participación e a integración na actividade deportiva da Federación Galega de Kung-Fu, os candidatos proclamados poderán dispoñer do respectivo censo de persoas que compoñen o seu estamento e, no caso dos candidatos á presidencia, das persoas que conforman a assemblea.



Artigo 5. Xunta Electoral

O mesmo día da convocatoria de eleccións, constituirase a xunta electoral

1. A xunta electoral estará integrada por tres membros titulares e tres suplentes, elixidos por sorteo na asemblea xeral, entre as persoas que presenten a súa candidatura a membros da xunta electoral. As candidaturas deberanse presentar na mesma asemblea na que se celebre a súa elección, podendo estar os candidatos presentes na mesma.

Os membros da xunta electoral deberán reunir os requisitos seguintes:


- a) Ser maior de 18 anos.
- b) Ter o título de bacharelato superior ou equivalente.
- c) Non presentarse como candidato a membro da asemblea xeral nin a presidente da Federación
- d) Non ter relación contractual ou profesional coa Federación Galega de Kung-Fu
- e) Non estar cumprindo sanción disciplinaria firme ou sanción administrativa firme en materia deportiva que conleve sanción de inhabilitación para ocupar cargos nunha organización deportiva.

3. No caso de non presentación de candidatos a membros da xunta electoral, o presidente da Federación proporalle á asemblea os membros necesarios para completar a mesma, os cales deberán así mesmo reunir os requisitos definidos no apartado anterior.

4. Actuará como presidente e secretario da xunta electoral o membro de maior e menor idade, respectivamente. As decisións da xunta electoral tomaranse por maioría de votos. A asistencia á xunta electoral é obrigatoria salvo causa xustificada.

5. Funcións da xunta electoral:

- a) Velar polo axustamento a dereito do proceso electoral dos órganos de goberno e representación federativos.
- b) Organizar os procesos das eleccións para a asemblea xeral e presidente da federación, segundo o disposto neste regulamento electoral.
- c) Designar as mesas electorais de conformidade co previsto neste regulamento electoral.
- d) Aprobar as candidaturas que reúnan os requisitos esixidos, así como o resto da documentación electoral.
- e) Garantir a exposición de censos, candidaturas e outros documentos según se estableza neste regulamento electoral.
- f) Coñecer e pronunciarse sobre os recursos que se presenten.



- g) Custodiar a documentación correspondente a todo o proceso electoral, excepto o que non lle corresponda do procedemento do voto por correo, ata a súa finalización.
- h) En xeral, cantas facultades lle sexan atribuídas por este regulamento electoral.

Artigo 6. Mesa electoral: composición e competencias.

1. En cada circunscrición electoral constituirase unha única mesa electoral para a elección dos membros da asemblea no día fixado. O horario de apertura da mesa será o seguinte: desde as 12 ata as 18 horas. Ubicaranse nos seguintes lugares:

Coruña: Cambre, El Temple, rúa Constitución 8 baixo

Lugo : Rúa Camiño Real 164, baixo

Ourense: Rúa Dr. Fleming 45 baixo

Pontevedra: Vigo, sede da Federación, rúa Fotógrafo Luís Ksado 17 (Casa do Deporte).

Aos efectos de remisión do voto por correo por parte da Secretaría Xeral e de recepción dos mesmos se sinala a mesa electoral sita la cidade de Vigo, sede da Federación, rúa Fotógrafo Luís Ksado 17 (Casa do Deporte).


As mesas electorais estarán compostas por tres membros titulares (un presidente, un secretario e un vogal) e tres suplentes destes, elixidos por sorteo pola xunta electoral entre os integrantes do censo definitivo. Serán presidente e secretario os membros de maior e menor idade respectivamente. A asistencia á mesa electoral é obrigatoria salvo causa xustificada que deberá ser autorizada pola xunta electoral.

Así mesmo, para a mesa electoral, os candidatos poden nomear interventores, entre quen desempeñe a condición de elector, que serán identificados ante a xunta electoral con antelación non inferior a 24 horas do día de celebración das respectivas votacións. A xunta electoral expedirá a correspondente acreditación.

Os interventores poderán participar nas deliberacións da mesa, con voz pero sen voto, así como solicitar á mesma certificacións e formular ante ela protestas, todo iso sen prexuízo da lexitimación que lles corresponde conforme aos artigos 18 e 19 deste regulamento.

2. Son competencias da mesa electoral:

- Comprobar a identidade dos votantes.
- Recoller a papeleta de voto e depositala na urna pechada e preparada aos efectos.
- Proceder á contaxe de votos.
- Levantar acta dos votos emitidos, resultados, e calesquera outras incidencias. así como das incidencias e reclamacións se as houber, facendo constar o número de votos obtidos por cada candidato.



3. A acta será subscrita por todos os membros da mesa electoral, así como polos interventores, se os houber, remitíndose posteriormente á xunta electoral, que deberá garantir a súa exposición pública mediante a publicación no taboleiro de anuncios e na páxina web <http://www.fgkungfu.org>. Asemade deberá remitirse a Secretaría Xeral para o Deporte.

4. Cando proceda a elección de presidente constituirase a mesa electoral con dous membros que serán respectivamente o de maior e menor idade da asemblea. O primeiro actuará como presidente e o segundo como secretario. Así mesmo, e ata que conclúa a elección de presidente, exercerán funcións de presidente e secretario da asemblea.

5. Os gastos de desprazamentos dos membros das mesas electorais serán sufragados pola Federación Galega de Kung-Fu en función aos seguintes criterios: A) Axudas de custo de quilometraxe: 0,19 € por quilómetro; B) Axudas de custo de manutención: 26 €.

Artigo 7. Convocatoria de eleccións



1. A convocatoria das eleccións será feita polo presidente da Federación Galega de Kung-Fu unha vez aprobado o regulamento electoral pola Secretaría Xeral para o Deporte e comunicada previamente as entidades deportivas.

2. Simultaneamente á convocatoria de eleccións, a xunta directiva disolverase, contituíndose en comisión xestora que non poderá realizar mais que actos de mera administración e trámite.

3. A convocatoria de eleccións publicarase no taboleiro de anuncios da sede da federación e nas delegacións, así como na páxina web <http://www.fgkungfu.org>. A notificación da convocatoria de eleccións conterá cantos datos se precisen para o correcto desenvolvemento do proceso electoral, e sinaladamente:

- a) Regulamento electoral.
- b) Calendario electoral con indicación do lugar, data e hora de celebración dos actos propios do proceso electoral.
- c) Lugar de consulta dos censos electorais.
- d) Modelos oficiais de sobres e papeletas.
- e) Composición e sede da xunta electoral da Federación.

4. Cun prazo de antelación mínimo de cinco días hábiles dende a data da convocatoria, esta haberá de ser notificada, a través de medio que permita asegurar a súa recepción, cando menos, ás entidades deportivas integrantes da federación e á Secretaría Xeral para o Deporte.



Artigo 8. Electores e elixibles

1. Poderán ser electores e elixibles:

a) No caso dos estamentos constituídos por persoas físicas (deportistas, adestradores e árbitros/xuíces) os que reúnan os seguintes requisitos:

- Ser maior de idade á data da convocatoria das eleccións.
- Ter licenza federativa en vigor e tela tido na tempada deportiva anterior á da data de convocatoria de eleccións.
- Ter participado nun mínimo de unha competición oficial na tempada deportiva anterior.

b) No caso do estamento de entidades deportivas: aqueles clubs e seccións deportivas, que estean inscritos, no ano da convocatoria das eleccións, na federación e Rexistro de Entidades Deportivas de Galicia e teñan participado en competicións deportivas. A estes efectos e, con carácter mínimo, deberán de ter participado en catro competicións ou actividades entre o ano de convocatoria das eleccións e os dous anos inmediatamente anteriores a aquel, e necesariamente unha delas no ano da convocatoria das eleccións. Non será elixibles aqueles clubs e seccións deportivas que formen parte da asemblea na súa condición de membros natos.

2. Aos efectos deste artigo entenderase como competición deportiva, aquela que estivera reflectida nos correspondentes calendarios oficiais aprobados pola asemblea xeral.



3. Os membros da Federación que pertencen a dous ou mais estamentos no censo provisional, deberán optar por un deles, mediante escrito ante a xunta electoral que deberá cursarse no período de reclamacións ao censo.

De no exercer esta opción no prazo indicado, os electores que se atopen en varios estamentos no censo electoral provisional, quedarán incluídos nun só estamento segundo o seguinte criterio

A) No estamento de técnicos/as, os que sexan incluídos nos censos de deportistas e técnicos/as

B) No estamento árbitros/as, xuíces/as, os que se atopen nos censo de deportistas ou técnicos e xuíces/as e árbitros/as

A xunta electoral da Federación Galega de Kung-Fu introducirá as correccións no censo electoral que se deban efectuar como consecuencia do exposto no apartado anterior procedendo a súa publicación no momento do censo definitivo



Artigo 9. Composición da Asemblea xeral


1. O número de membros da asemblea xeral será de 29, en aplicación do artigo 10, do presente regulamento electoral. O presidente da federación desempeñará a presidencia da asemblea xeral.
2. Os seus membros serán elixidos cada catro anos mediante sufraxio libre, igual, directo e secreto, salvo a singularidade prevista para o estamento de clubs e seccións deportivas, por e entre os compoñentes de cada estamento de conformidade co número e proporcións de representación que se establecen no presente regulamento.
3. Na asemblea xeral deberán estar representados todos os estamentos recoñecidos nos estatutos e integrados na federación e, cando menos, as entidades deportivas, os deportistas, os adestradores e os árbitros/xuíces.
4. No estamento de entidades deportivas haberá membros natos e membros electos.
5. A representación das entidades deportivas corresponde ao seu presidente ou persoa que conforme estatutos lle corresponda. Esta representación acreditarase fideliamente mediante certificación da inscrición do Rexistro de Entidades Deportivas de Galicia na que figure expresamente os representantes legais da entidade.
6. Non cabe representación das persoas físicas.
7. Ningún membro da asemblea poderá desempeñar unha dobre representación nesta.
8. A Federación Galega de Kung-Fu axustarase, no posible, nas súas actuacións ás recomendacións feitas pola Lei 7/2004, do 16 de xullo, galega para a igualdade de mulleres e homes (DOG número 149, do 3 de agosto).

Artigo 10. Proporcionalidade na composición da asemblea xeral

1. A porcentaxe de cada estamento é:
 - a) Representantes de entidades deportivas: 70%
 - b) Representantes de deportistas: 20 %
 - c) Representantes de adestradores/as e técnicos/as: 5 %
 - d) Representantes de árbitros/as xuíces/as: 5 %

2. A representación mínima do estamento de entidades deportivas na asemblea xeral da Federación Galega de Kung-Fu deberá ser do 50% do censo definitivo de entidades deportivas, incluíndo os membros natos.

En calquera caso todas as entidades deportivas deberán necesariamente cumprir os requisitos que para eles se establece no artigo 8 deste regulamento.



3. As porcentaxes xerais atribuídas a cada estamento son distribuídas entra as catro circunscricións electorais da seguinte maneira

	A Coruña	Lugo	Ourense	Pontevedra	TOTAL
Entidades	5	2	2	12	21
Deportistas	1	1	1	3	6
Total:	6	3	3	15	27

A circunscrición dos adestradores/as e técnicos/as e árbitros/as xuíces/as e única para toda Galicia, correspondendo a cada estamento 1 representante.

4. Cando o número de candidatos de calquera estamento coincida ou sexa inferior ao número de membros que hai que elixir non será necesaria a celebración de eleccións polo que a ese estamento se refire, dando continuidade ao procedemento electoral.


Con todo, no caso de que nalgún estamento da asemblea houbera máis dun 20% de vacantes, unha vez terminado o proceso electoral e no prazo máximo de 3 meses, o presidente procederá á convocatoria parcial de eleccións para cubrir as vacantes, sen que esta nova convocatoria parcial afecte aos xa elixidos.

Artigo 11. Membros natos da asemblea xeral polo estamento de entidades deportivas

Conforme o establecido na Orde do 8 de setembro de 2010, establécese como baremo para a designación dos membros natos da asemblea xeral o seguinte: a) O maior número total de licenzas en todas as súas categorías (100%); B) O maior número de competicións oficiais co maior número de participantes

Conforme o anterior baremo, son membros natos da asemblea as seguintes entidades deportivas:

ENTIDADES CON MAIS LICENCIAS	ENTIDADES CON MAIS ACTIVIDADES
ASOCIACION DEPORTIVA TEMPLESPORT	CLUB DEPORTIVO KUNG-FU FITNES FORMA
CLUB KUNG-FU LUGO	ASOCIACION DEPORTIVA NIGRAN KUNGFU
ASOCIACION DEPORTIVA SALCEDA DE CASELAS	ASOCIACION DEPORTIVA KUAN LUM
ASOCIACION DEPORTIVA GIMNASIO PENTA	ASOCIACION DEPORTIVA ARTEIXO
ASOCIACION DEPORTIVA DI SOM	ASOGAL TAIJI



Tendo en conta os membros natos e a súa distribución xeográfica, o número de representantes de entidades deportivas a elixir son as seguintes:

	A Coruña	Lugo	Ourense	Pontevedra	TOTAL
Natos	1	1	1	7	10
Elixibles	4	1	1	5	11



Artigo 12. Candidatos a membros electos da asemblea xeral

1. Poderá ser candidato a membro da asemblea xeral toda persoa física ou xurídica incluída no censo definitivo que o solicite persoalmente, por correo certificado ou por calquera outro medio que acredite fehacientemente en dereito a dita solicitude, ante a xunta electoral. Para a solicitude establécese un prazo de 3 días hábiles a contar dende a publicación do censo definitivo.
2. Unha vez presentadas as candidaturas, a xunta electoral proclamará a lista provisional de candidatos facéndoa pública na páxina web <http://www.fgkungfu.org> Haberá un prazo de 2 días hábiles, para a presentación de posibles reclamacións ante a xunta electoral.
3. Unha vez resoltas as posibles reclamacións si as houbera, procederase á proclamación definitiva de candidatos.

Artigo 13. Sistema de votación a membros da asemblea xeral

1. A votación a membros da asemblea realizarase en urnas separadas por estamentos. A votación desenvolverase sen interrupcións durante o horario de 12 a 18 horas. Soamente por causa de forza maior poderán non iniciarse ou interromperse as votacións. En caso de suspensión da votación non se terán en conta os votos emitidos nin se procederá ao seu escrutinio. Neste caso, a xunta electoral fixará unha data para a nova votación.
2. O dereito de votar será acreditado pola inscrición no censo electoral definitivo. Para a súa identificación, o elector deberá presentar documento acreditativo da súa personalidade (DNI, pasaporte, tarxeta de residencia ou permiso de conducir con fotografía do titular). No caso das persoas xurídicas a representación corresponde ao seu presidente ou persoa que conforme estatutos lle corresponda, debéndose acreditar fehacientemente a dita representación mediante certificación da inscrición do Rexistro de Entidades Deportivas de Galicia na que figure expresamente os representantes legais da entidade.

Se un membro electo da asemblea perdera a condición pola que foi elixido, causará baixa automaticamente naquela, procedéndose á súa substitución polo seguinte mais votado no seu estamento e proclamado suplente pola xunta electoral



Artigo 14. Voto por correo

1. Unicamente se admitirá o voto por correo nas votacións para membros da asemblea naqueles estamentos integrados por persoas físicas.

2. O exercicio do voto por correo haberá de ser solicitado polo interesado á xunta electoral, dende a data da convocatoria das eleccións ata 2 días hábiles despois da publicación do censo definitivo. Esta solicitude deberá facerse persoalmente, mediante correo certificado, burofax, ou por calquera outro medio validamente admitido en dereito que deixe constancia da solicitude.

3. Recibida pola xunta electoral a solicitude referida no punto anterior, comprobará a inscrición no censo definitivo do solicitante, realizando no caso de estar inscrito a anotación correspondente no censo e extendendo un certificado de autorización do voto por correo.

O certificado ao que se refire o parágrafo anterior deberá reflectir o nome do elector, o estamento polo que se solicita o exercicio do voto, así como un espazo en branco que deberá ser asinado polo elector previamente ao envío do voto á Secretaría Xeral para o Deporte.


A xunta electoral deberá remitir este certificado dentro dos 2 días hábiles seguintes á proclamación definitiva dos candidatos, remitíndollo aos solicitantes por correo certificado urxente e con acuse de recibo á dirección postal sinalada polo interesado na súa solicitude. Igualmente enviaráselle unha papeleta de votación en branco e o sobre de votación oficiais, xunto coa relación definitiva de todas as candidaturas presentadas ordenadas alfabeticamente.

O listado de persoas autorizadas para o exercicio do voto por correo deberase remitir á Secretaría Xeral para o Deporte, publicándose asemade na páxina web <http://www.fgkungfu.org>

4. O elector introducirá a papeleta de voto no sobre da votación e pecharao. Incluirá este sobre de votación, xunto ao certificado emitido pola xunta electoral no que se autoriza o voto por correo, asinado polo emisor do voto e a copia do DNI, nun sobre de maior tamaño que os anteriores que remitirá á Secretaría Xeral para o Deporte para a súa custodia, por correo certificado urxente, consignándose no anverso e reverso do mesmo os seguintes datos:

Anverso:

Secretaría xeral para o deporte
Estadio Multiusos de San Lázaro, porta 4
15781 Santiago de Compostela (A Coruña)
Eleccións á Asemblea Xeral da Federación Galega de Kung-Fu



Reverso:

Nome e apelidos do remitente
Estamento de ... (o que corresponda)
Circunscrición electoral de

5. A presentación dos votos nas Oficinas de Correos deberá realizarse con 6 días hábiles de antelación á data de celebración das eleccións, mediante envío por correo certificado urxente, e non serán admitidos os sobres depositados con data posterior. A Secretaría Xeral para o Deporte custodiará os votos emitidos, que serán postos a disposición da mesa electoral o día da votación, xunto cunha relación nominal dos mesmos, a fin de que, con posterioridade ao peche da votación presencial os membros da mesa electoral poidan abrilos e, tras comprobar a súa regularidade, depositar cada voto na urna correspondente para incorporalo ao escrutinio.

6. Prevalecerá o voto persoal sobre o voto emitido por correo no caso de concorrencia de ambos.

Artigo 15. Presentación de candidaturas a presidente

1. No prazo de 2 días hábiles dende a proclamación definitiva de membros da asemblea xeral, poderá presentar candidatura a presidente da Federación calquera persoa física sen que teña que ser membro da asemblea xeral, que teña a condición política de galego, maior de idade, en pleno uso dos seus dereitos civís, que non incorrese en ningunha sanción deportiva que o inhabilite e que non estea inhabilitado para o desempeño dun cargo público por sentenza xudicial firme. A persoa que resulte elixida como presidente non poderá desempeñar ningunha outra actividade directiva ou de representación dentro da propia estrutura federativa. Tampouco se poderá simultanear a presidencia dun club deportivo integrado na Federación Galega de Kung-Fu coa presidencia da Federación.



Se algún membro da comisión xestora presentase a súa candidatura á presidencia, deberá cesar naquela.

O presidente saínte da Federación será membro da nova asemblea xeral. Esta condición perderase nos casos de non presentar candidatura á presidencia ou, de téndoa presentado, non resultara elixido.

2. A presentación de candidaturas farase na sede oficial da Federación ou nas súas delegacións, mediante escrito dirixido á xunta electoral.


3. Finalizado o prazo de presentación de candidaturas, a xunta electoral exporá a listaxe provisional de candidatos a presidente no taboleiro de anuncios da federación así como na súa páxina web <http://www.fgkungfu.org> Pódense presentar impugnacións a esta no prazo de 2 días hábiles. As impugnacións serán resoltas pola xunta electoral no prazo de 2 días hábiles.

A xunta electoral publicará no día seguinte hábil, seguindo os medios reflectidos no punto anterior, a lista definitiva de candidatos á presidencia.



Artigo 16. Elección do presidente ou presidenta

1. No día e hora fixados na convocatoria correspondente, constituirase a asemblea xeral en primeira ou segunda convocatoria tendo como único punto da orde do día a elección a presidente. O presidente da Federación será elixido mediante sufraxio libre, directo, igual e secreto polos membros da asemblea xeral presentes no momento da elección.
2. Na votación á elección de presidente non se admitirá o voto por correo nin a delegación de voto. A representación das entidades deportivas realizarase conforme o establecido no artigo 9 parágrafo quinto, non admitíndose que unha persoa ostente a representación de mais dunha entidade deportiva.
3. Comezada a sesión e constituída a mesa electoral, o presidente presentará os candidatos. iniciando, de seguido, o proceso de votación.
4. Os candidatos exporán os seus programas, procedéndose posteriormente á votación en urna para a elección do presidente, que será secreta.
5. A xunta electoral determinará o modelo de papeleta. Cada membro da asemblea só poderá votar a un candidato.
6. O proceso de votación está formado por un máximo de tres votacións.
 - a. Na primeira votación son elixibles todos os candidatos da listaxe definitiva. Aqueles que obteñan un mínimo do 10% dos votos dos membros presentes, pasarán á seguinte votación. No suposto en que ningún candidato acade o 10% dos votos, pasarán á seguinte votación aqueles dous candidatos que contén cun maior número de votos. No suposto en que soamente sexa un candidato o que obteña o 10% dos votos, pasará tamén á seguinte votación o seguinte candidato en número de votos. De acadarse por algún candidato a maioría absoluta dos votos, nesa primeira votación, será proclamado presidente.
 - b. Na segunda votación soamente serán elixibles aqueles que, como xa está exposto e coas excepcións contempladas, obtiveran alomenos o 10% dos votos dos membros presentes. Será elixido presidente o candidato que nesta fase obteña a maioría absoluta dos votos.
 - c. No caso de que na votación anterior ningún candidato obteña a maioría absoluta, procederase a unha nova votación entre os dous máis votados, que se celebrará a continuación cunha pausa de 30 minutos, resultando elixido o que obteña maioría de votos.
7. Terminada cada unha das votacións realizadas, a mesa electoral procederá á contaxe de votos e levantará a oportuna acta.



8. No caso de existir soamente dous candidatos, resultará elixido o que obteña a maioría simple dos votos. No caso de empate, se procederá, cun intervalo de media hora, a unha nova votación, e se o empate persistira resultará elixido o candidato de maior grao e entre eles o de maior antigüidade e finalmente o de maior idade.

9. No caso de que se presentase un só candidato, non se efectuará votación.

10. Se non se presentase ningunha candidatura ou non fose válida ningunha das presentadas, a comisión xestora administrará a federación e convocará e realizará novas eleccións a presidente no prazo máximo de 3 meses.

11. Rematada a elección, a acta do resultado desta será remitida á xunta electoral. Transcorridos os prazos de presentación de posibles recursos e resoltos estes, a xunta electoral proclamará presidente ou presidente ao candidato ou candidata máis votado e comunicará os resultados á Secretaría Xeral para o Deporte no prazo máximo de 10 días.

12. Unha vez proclamado definitivamente o novo presidente, a comisión xestora deberá poñer a disposición deste no prazo máximo de 5 días hábiles, contados dende a proclamación definitiva, toda a documentación relativa á federación, levantando acta da documentación entregada e remitíndolle copia desta á Secretaría Xeral para o Deporte.

13. Tras a súa proclamación o presidente designará os demais órganos e comités de acordo cos estatutos da federación, debendo comunicarlle a súa composición á Secretaría Xeral para o Deporte no prazo máximo de 10 días hábiles, dende o seu nomeamento.



Artigo 17. Recurso ante a xunta electoral

O coñecemento de tódolos recursos que se poidan formular na materia electoral corresponde á xunta electoral, sendo tódalas súas resolucións recorribles ante o Comité Galego de Xustiza Deportiva. Están lexitimados para interpoñer recursos os representantes das candidaturas ou as persoas e entidades debidamente afectadas polos acordos da xunta electoral.

Os recursos ante a xunta electoral serán presentados, personalmente ou por calquera medio que acredite fehacientemente en dereito a presentación do escrito (burofax, correo certificado, telegrama...), na sede central federativa mediante escrito dirixido ao presidente da xunta electoral.

Os prazos para a presentación destes recursos, así como os de resolución da xunta electoral será de 1 día hábil, salvo nos casos nos que no presente regulamento ou na Orde do 8 de setembro de 2010 se establezan outros distintos.

Artigo 18. Recurso ante o Comité Galego de Xustiza Deportiva





1. Contra os acordos e resolucións das xuntas electorais procederá recurso electoral ante o Comité Galego de Xustiza Deportiva, poñendo fin, as resolucións deste, á vía administrativa.

Están lexitimados para interpoñer o recurso quen fose parte na impugnación ante a xunta electoral federativa ou as persoas interesadas directamente polo seu acordo ou resolución.

2. Os prazos de interposición do recurso electoral ante o Comité Galego de Xustiza Deportiva será de tres días hábiles contados dende o seguinte ao da notificación da resolución ou acordo obxecto de recurso ou, se for o caso, dende o momento en que se produza a desestimación tácita da reclamación electoral presentada.

3. O escrito de interposición do recurso deberá expresar:

- a) Nome, DNI e domicilio da persoa física ou denominación e enderezo social dos entes asociativos interesados, incluíndo neste último caso o nome do seu representante legal.
- b) Se é o caso, o nome, DNI e enderezo do representante do interesado, podendo acreditar a súa representación, ademais de polos medios legais procedentes, a través de comparecencia ante a Secretaría do Comité Galego de Xustiza Deportiva.
- c) Lexitimación para interpoñer o recurso
- d) O acto que se recorre e a razón da súa impugnación.
- e) As consideracións de feito e de dereito nas que baseen as súas pretensións, así como as propostas de proba que ofrezan en relación con aquelas.
- f) As pretensións que deduzan de tales consideracións.
- g) Lugar, data e sinatura.



Anexo I. Calendario electoral

ACTUACIONES PREVIAS

Convocatoria e celebración da asemblea xeral da Federación para a aprobación do Regulamento Electoral, censo electoral. Constitución da xunta electoral. Remisión do Regulamento Electoral a Secretaría Xeral para o Deporte para a súa aprobación. Remisión da convocatoria de eleccións con 5 días de antelación as entidades deportivas e a Secretaría Xeral para o Deporte.

A) CALENDARIO ELECTORAL DE MEMBROS DA ASEMBLEA

1. Día 20 de outubro

- a) Convocatoria de eleccións.
- b) Envío da convocatoria e publicación do censo electoral provisional
- c) Constitución da xunta electoral ás 17 horas na súa sede da cidade de Vigo, rúa Fotógrafo Luís Ksado 17 (Casa do Deporte).

Tódolos escritos dirixidos a Xunta Electoral poderán presentarse na sede da Federación, na cidade de Vigo, rúa Fotógrafo Luís Ksado 17 (Casa do Deporte), os días hábiles, en horario de 10 a 13 horas e de 16 a 19 horas.

2. Día 21 de outubro

a) Inicio do prazo de 10 días hábiles para reclamacións o censo electoral (art. 4.2 do Regulamento).



b) Inicio do prazo de 10 días hábiles para a presentación da solicitude para optar por un estamento en caso de estar incluído en mais dun no censo electoral provisional (art. 8.3 do Regulamento).

c) Inicio do prazo para a solicitude do voto por correo (art. 14.2 do Regulamento).

A documentación necesaria pode solicitarse a Xunta Electoral na sede da Federación

3. Día 31 de outubro

Ás 19 horas fin do prazo da presentación de reclamacións ao censo electoral e para optar por un estamento no caso de estar incluído en mais dun no censo electoral (art. 10.2 e 14.2 do Regulamento)



4. Día 3 de novembro

a) Ás 19 horas finaliza o prazo para a resolución por parte da xunta electoral das reclamacións presentadas ao censo electoral (art. 10.2 do Regulamento)

b) Publicación definitiva do censo electoral. Iniciase o prazo de 3 días hábiles de presentación de candidatos ou candidatas aos distintos estamentos para ser membros da asemblea xeral (art. 12.1 Regulamento Electoral)

c) Realización do sorteo por parte da xunta electoral para a designación da mesa electoral para a elección a membros da asemblea xeral (art. 6.1 do Regulamento)

5. Día 5 de novembro

Ás 19 horas finaliza o prazo de presentación de solicitudes para a realización do voto por correo (art. 14.2 do Regulamento)

6. Día 6 de novembro

a) Ás 19 horas finaliza o prazo de presentación de candidaturas a membros da asemblea xeral (art. 12.1 do Regulamento)

b) Proclamación provisional de candidaturas á asemblea xeral e publicación das mesmas (art. 12.2 do Regulamento).

c) Inicio do prazo de 2 días hábiles de presentación de reclamacións á proclamación provisional de candidatos ou candidatas a asemblea xeral (art. 12.2 do Regulamento)


7. Día 8 de novembro

Ás 19 horas finaliza o prazo para a presentación de reclamacións a proclamación provisional de candidaturas á asemblea xeral (art. 12.2 do Regulamento).

8. Día 11 de novembro

a) Ás 19 horas finaliza o prazo para a resolución pola xunta electoral, das reclamacións formuladas ás candidaturas provisionais á asemblea xeral.

b) Proclamación definitiva dos candidatos ou candidatas polos distintos estamentos á asemblea xeral e publicación dos mesmos (art. 12.3 do Regulamento)



IMPORTANTE: conforme ao previsto no art. 10.4 do Regulamento Electoral, cando o número de candidatos de calquera estamento coincida ou sexa inferior ao número de membros que hai que elixir non será necesaria a celebración de eleccións polo que a ese estamento se refire, dando continuidade ao procedemento electoral. En consecuencia, se tal circunstancia se dera en todos os estamentos obxecto de elección a Asemblea Xeral, a proclamación definitiva dos candidatos será proclamación definitiva de membros electos, continuando o proceso electoral ca convocatoria da Asemblea para elección de Presidente ou Presidenta.

9. Día 12 de novembro

a) Se inicia o prazo de 2 días hábiles para o envío por parte da xunta electoral das papeletas oficiais, así como dos certificados para o voto por correo ás persoas solicitantes.

b) Iniciase o prazo do voto por correo (art. 14.3 do Regulamento).

10. Día 18 de novembro

Remata o prazo para a presentación dos votos na oficina de correos (Art. 14.5 do Regulamento)

11. Día 25 de novembro

a) Constitución das mesas electorais nos lugares establecidos (art. 6.1 do Regulamento).



b) Celebración de eleccións a membros da asemblea xeral por estamentos. (horario para a votación de 12 horas a 18 horas) (art. 13 do Regulamento)

c) Publicación dos resultados da votación e comunicación dos mesmos á xunta electoral e proclamación provisional dos candidatos ou candidatas elixidos para a asemblea xeral (art. 6.3 do Regulamento).

d) Inicio do prazo de reclamacións contra os resultados de ditas eleccións (art. 18 do Regulamento).

12. Día 27 de novembro

Ás 19 horas finaliza o prazo para a presentación de reclamacións contra os resultados das votacións para os membros da asemblea xeral (art. 18 do Regulamento).



13. Día 28 de novembro

(Día 36): Ás 19 horas finaliza o prazo para a resolución, por parte da xunta electoral das reclamacións ás votacións para membros da asemblea xeral. Proclamación definitiva dos candidatos electos a asemblea xeral (art. 18 do Regulamento)

B) CALENDARIO ELECTORAL DE ELECCION DE PRESIDENTE OU PRESIDENTA

1. Día 28 de novembro (ou 11 de novembro)

a) Proclamación definitiva dos candidatos electos a asemblea xeral.

b) Envío da convocatoria da sesión constitutiva da asemblea xeral electa para a elección de presidente da Federación Galega de Kung-Fu (art. 16.1 do Regulamento)

. Inicio do prazo de presentación de candidaturas a presidente da Federación Galega de Kung-Fu (art. 15.1 Regulamento)

2. Día 1 decembro (ou 13 de novembro)

Ás 19 horas finaliza o prazo de presentación de candidaturas para presidente da Federación Galega de Kung-Fu (art. 15.1 do Regulamento)



3. Día 2 de decembro (ou 14 de novembro)


a) Proclamación provisional e publicación das candidaturas para presidente da Federación Galega de Kung-Fu.

b) Inicio do prazo de reclamacións a ditas candidaturas (art. 15.3 do Regulamento)

4. Día 4 de decembro (ou 17 de novembro)

Ás 19 horas finaliza o prazo para a presentación de reclamacións as candidaturas provisionais a presidente a Federación Galega de Kung-Fu (art. 15.3 do Regulamento)

5. Día 9 de decembro (ou 19 de novembro)



a) Finaliza o prazo para a resolución das reclamacións as candidaturas a presidente da Federación Galega de Kug-Fu.

b) Proclamación definitiva dos devanditos candidatos ou candidatas a presidente (art. 15.3 do Regulamento)

6. Día 11 de decembro (ou 22 de novembro)

a) Constitución da nova asemblea xeral.

b) Constitución da mesa electoral e proceso de elección de presidente da Federación Galega de Kung-Fu (art. 16 do Regulamento)

c) Publicación de resultados e proclamación provisional do candidato ou candidata electa a presidente da Federación Galega de Kung-Fu (art. 16 do regulamento)

d) Inicio do prazo de reclamacións ás votacións a presidente da Federación (art. 17 do Regulamento)

7. Día 13 de decembro (ou 25 de novembro)



Ás 19 horas finaliza o prazo para la presentación de reclamacións a elección de presidente da Federación (art. 17 do Regulamento)

8. Día 14 de decembro (ou 27 de novembro)

a) Finaliza o prazo para a resolución das reclamacións a elección de presidente da Federación.

b) Proclamación do presidente electo.

c) Finaliza o proceso electoral




MODELOS DE SOBRES PARA O VOTO POR CORREO

SOBRE “A” (Maior que o sobre “B”)

Secretaría Xeral para o Deporte
Estadio Multiusos de San Lázaro, porta 4
15781 Santiago de Compostela
Eleccións a Asemblea Xeral da Federación Galega
De Kung-Fu

(No remite deben figurar o nome e apelidos completos e o estamento polo que se vota. Ademais do sobre da votación, terá que incluírse o certificado da xunta electoral conforme pode votar asinado polo votante, e fotocopia do DNI da persoa que exerce o voto.




**SOBRE “B”
Menor que o sobre “A”**

VOTO PARA OS CANDIDATOS Á
ASEMBLEA XERAL DA FEDERACIÓN
GALEGA DE KUNG-FU POLO
ESTAMENTO DE:
CIRCUNSCRICION ELECTORAL DE:

(por o nome do estamento polo que se vota.)

Neste sobre débese introducir a papeleta do voto



PAPELETA DA VOTACIÓN

CANDIDATOS AO ESTAMENTO DE ENTIDADES DEPORTIVAS

Nome completo das entidades candidatas a membros da asemblea por este estamento.

Á marxe establecer cuadrícula para facilitar a opción de voto.

Cada votante deberá sinalar un máximo de entidades segundo o número de membros do estamento.

Nome completo da entidade candidata



Nome completo da entidade candidata

Nome completo da entidade candidata

Nome completo da entidade candidata

Nome completo da entidade candidata

Nome completo da entidade candidata





**PAPELETA DA VOTACIÓN
CANDIDATOS/AS AO ESTAMENTO DE
DEPORTISTAS**

Nome completo dos/as deportistas candidatos/as a membros da asemblea por este estamento.

Á marxe establecer cuadrícula para facilitar a opción de voto.

Cada votante deberá sinalar un máximo de deportistas segundo o número de membros do estamento.

- Nome completo deportista candidato/a
- Nome completo deportista candidato/a
- Nome completo deportista candidato/a
- Nome completo deportista candidato/a
- Nome completo deportista candidato/a
- Nome completo deportista candidato/a



**PAPELETA DA VOTACIÓN
CANDIDATOS/AS AO ESTAMENTO DE
ADESTRADORES/AS OU TÉCNICOS**

Nome completo dos/as adestradores/as ou técnicos candidatos/as a membros da asemblea por este estamento.

Á marxe establecer cuadrícula para facilitar a opción de voto.

Cada votante deberá sinalar un máximo de adestradores/as ou técnicos segundo o número de membros do estamento.

Nome completo do/a adestrador/a ou técnico candidato/a



Nome completo do/a adestrador/a ou técnico candidato/a

Nome completo do/a adestrador/a ou técnico candidato/a

Nome completo do/a adestrador/a ou técnico candidato/a

Nome completo do/a adestrador/a ou técnico candidato/a

Nome completo do/a adestrador/a ou técnico candidato/a



**PAPELETA DA VOTACIÓN
CANDIDATOS AO ESTAMENTO DE
ÁRBITROS/AS OU XUÍCES/AS**



Nome completo dos/as árbitros/as e xuíces/as candidatos/as a membros da asemblea por este estamento.

Á marxe establecer cuadrícula para facilitar a opción de voto.

Cada votante deberá sinalar un máximo de árbitros/as ou xuíces/as segundo o número de membros do estamento.

Exemplo:

- Nome completo do árbitro/a e xuíz/a candidato/a
- Nome completo do árbitro/a e xuíz/a candidato/a
- Nome completo do árbitro/a e xuíz/a candidato/a
- Nome completo do árbitro/a e xuíz/a candidato/
- Nome completo do árbitro/a e xuíz/a candidato/a
- Nome completo do árbitro/a e xuíz/a candidato/a






Federación Galega de Kung-Fu


O Presidente

Carlos Alonso Martínez



O Secretario

José Antonio Díz Orge



Inscrita no Registro de Entidades Deportivas da Dirección Xeral para o Deporte da Xunta de Galicia co nº 3724 C.I.F. V-36.756.914



XUNTA DE GALICIA
PRESIDENCIA
Secretaría Xeral para o Deporte

C/ F. Luis Ksado, 17 - 36209 VIGO
Tel. y Fax: 986 20 31 51
info@fgkungfu.org - www.fgkungfu.org



**DEPORTE
GALEGO**